

Atuisartoqarnermut Unammilleqatigiinnermullu

Aqutsisoqarfik inatsisilerisunik marlunnik

inuttassarsiorpoq

Atuisartoqarnermut Unammilleqatigiinnermullu Aqutsisoqarfiup inuussutissarsiornermut immikkoortortaminut inatsisilerisunik marlunnik angusarissaarnissamik pingaartitsisunik naleqqussallaqqittunillu inuttassarsiorpoq.

Atorfimmi inatsisitigut siunnersuineq, misissueqqissaarneq, inatsisilerinermik suliaqarneq ataqtigiissaarinerlu suliassaapput. Inatsisitigut sullissinermik misilittagaqartunik imaluunniit suliffeqarfimmi naalakkersuinikkut aqunneqartumi misilittagaqartunik suleqatissarsiorpugut. Piumassuseqassaait, inuiaqatigiinni suliaqarusussuseqassaait, suliassanillu aaqqiissuteqariinngitsunik suliaqarsinnaassaait. Suliassanik nutaanik tiguisinnaassaait, sulianilu ajornarsinnaasuni misilittagaqarfingngisanilu aaqqiissuteqarsinnaassaait. Taakku ilagalugit ulloq ulapaarfiusumi amerlasuunillu suliassaqarfiusumi sulisinnaassaait. Suliatit unittuunnginnissaat anguniarlugu pilersarusiorsinnaanissat, aaqquissuussisinnaallutillu pingaarnersiuisinnaassaait, eqeersimaassaait aaqqiissutinillu ujartuisinnaassaait. Misilittakkat apequtaatillugit siunnersortit pisortaatus imaluunniit immikkut siunnersortitut atorfinititsisoqarsinnaavoq.

Suliffik pillugu

Unammilleqatigiinnermut neqerooruteqartitsinermullu immikkoortortani oqartussaasutut ineriartortitsinissamillu inatsisitigut suliassanik akisussaasuullutit qitiusumik atorfinissaait. Saniatigut aqutsisoqarfimmi suliassat assigiinngitsut suliarinissaanut piareersimassaait..

Suliassatit ilaatigut tassaapput:

- Inatsisilerinermi suliaqarneq oqartussaasunullu allanut suleqateqarneq
- Naatsumik, aaqquissuullugaasumik, sulianilu annerni inatsisitigut misissueqqissaarneq
- Suliniutinut aqutsineq aamma/ imaluunniit suliniutinut peqataaneq
- Immikkoortunik oqartussaasunillu allanik ataqtigiissaarineq
- Inatsisitigut suliassat allat

Piginnaassutsit piunasaqaatigineqartut:

Inatsisilerisutut kandidatitut ilinniagaqarneq (cand.jur. imaluunniit cand.merc.jur.), tulliuttunilu ataatsimik arlalinniluunniit misilittagaqarneq:

- Suliffeqarfimmi naalakkersuinikkut aqunneqartumi, naalakkersuinikkullu aalajangiiniartarnermi suleriaatsinik misilittagaqarneq imaluunniit ilisimasaqarneq.
- Suliniuteqarnermik, inatsisilerinermik sullissinermilu soqutigisaqarneq misilittagaqarnerlu
- Attaveqallaqqissoq, allakkatigut oqaatitsigullu suliassanik pisariusunik nassuiaallaqqissoq
- Namminersorsinnaasooq aaqqiissuteqarusuttoq, suliassanut suliniutinullu annernik suliaqarluarsinnaasooq
- Suliassaminut sungiussiasooq, peqqissaartoq misissueqqissaartartorlu
- Sungiussialluni, peqqissaarluni, misissueqqissaarlunilu suliaqartartoq
- Qallunaatut tuluttullu oqallorissooq
- Assigiinngitsunik anguniagaqaraluarluni ingerlatsisunik arlalinnik suleqateqarsinnaasooq

Aqutsisoqarfik pillugu

Pisortatut oqartussaavugut, qitiusumillu inatsisilerineq aningaasalerinerlu suliarisarlugit. Ukiumut suliat 600 800-llu akornanni suliarisarpagut, saniatigullu ingerlatsiviillu allat suleqatigalugit suliniutinut ikiusarluta, inatsisiliornermillu suliaqartarluta.

Suliffeqarfiuvugut angusaqarluarusuttut aaqquissuussaalluarmillu sulisartut, suleqatigiinneq, akisussaaffeqarneq, kinaassutsimillu assigiinngiiaarneq pingaartippagut. Suliffiuvugut tatiginnittut, ataaqqinnittut oqaluukkuminartullu.

Neqeroorutigaaqut:

- Atorfimmi annertuumik akisussaaffeqarneq, allannguinnissamullu periarfissaqarneq
- Suliffeqarfik pilerinartoq, suliffimmilu oqaloqatigiissinnaaneq, ataaqqinninneqarneq tatiginninneqarnerlu
- Suliffeqarfik tamatigoortoq pissanganartorlu, nunatsinnut nunanullu tamalaanut aallussineq
- Kisivit inatsisilerisuunavianngilatit, inatsisilerituullu misilittagaqarluartut akornaniissaait

Paasisutissat allat:

Atorfik pillugu annertunerusumik paasisaqarusukkuit, Aqutsisoqarfimmi Pisortaq Kristina Nordby

oqarasuaatikkut +299 539452 imaluunnit e-mailikkut krno@nanoq.gl attavigisinnaavat.

Qinnuteqaat:

CV misilitsinnermilu allagartat attuumassuteqartut qinnuteqaammi ilanngunneqassapput.

Qinnuteqarnissamik piffissarititaaq: 14. agusti 2026 nal. 12:00.

Oqaloqatigiinnerit ingerlaavartumik ingerlanneqarumaarput, piaarnerpaamillu atorfinitsitsisoqassalluni.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaatalinnik piginnaasalik immikkut siunnersortitut, siunnersortit pisortaatut siunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.